

Der C. xxvij. Artikel.

Von straff des Vorstürtzens / der Tieffen
Stollen vnd strecken. Nachlässigkeit der Ar
beiter. Das man alte getribenne Stollen/
aber nicht die halden on die zechē verleibe
Vnd von zechen die do schuld halben li
gen bleiben. Wenn man auch schuld hal
ben / die do nicht vom Bergkwerck her
kompt / zu Bergkteilen mag helffen lassen.
Vnd wie sich der Bergkmaister das Ertz
zukömmern vnd zuorbieten halten soll.

Von Gots gnaden Georg Her
zog zu Sachsen / Landtgraff in Thüringen
vnd Marggraff zu Meyssen. Allen vnd itz
lichen Bergkrenten / Lehentregern / Schichtmai
stern / vnd gemeiniglich allen andern die sich der
Bergkwerck / auff vnd vmb Sanct Annaperg ge
brauchen. Lieben getrawen vnd besondern / Es
gelangt viel vnd manigfeldig an vns / Das vnser
Bergkordnung / die wir vorschienener zeit gemey
nem Bergkwerck / vnd Euch allen zugutte / haben
auffgericht / vnd außgehen lassen / in viel stücken /
puncten / vnd Artickeln / aus freuenlicher verachtüg
vbergangen / vnd gemißbraucht werden solle / dor
aus angezeigtem vnserm Bergkwerck / auff vñ vmb
Saint Annaberg / mergklicher / vnd grosser scha
den teglich erwechset. Nachdem wir aber sollichen
schaden zuuorkömmen / vnd gemein Bergkwerck /
vnser hochsten vormögens / zufördern geneyget /
Sein wir vorursacht worden / etzliche Artickel / an
gezeigter